

# Goibekokale

ELGETA / Barikua / 2004ko abenduaren 17a / 210. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

## Gabonak girotzeko hainbat ekitaldi, asteburuan hasita

IRATI AGIRREAZALDEGI

Herrian Gabon giroa sortzeko asmoz hainbat ekintza antolatu dituzte datozen egunetarako. Besteak beste, zuhaitzen lehiaketa, Olentzeroren etorrera, parkea eta herri jaialdia izango dira. Herriko hainbat toki argiz apainduko dute egun hauetarako.

Gaur piztuko dituzte Gabonetako argiak arkuaren alde banatan, udaletxean eta plazan. Horrela hasiko dira jai hauetarako iragarritako ekintzak.

Argiak egunero piztuko dituzte urtarrilaren 9ra bitartean. Horien kostua 1.700 euro da.

Gabonetako apaingarri diren zuhaitzak ere herriko denda eta tabernetan egongo dira ikusgai egunotan. Izan ere, gaur amaitu da lehiaketarako Gabonetako zuhaitzak aurkezteko epea, eta jendaurrean ikusgai egon ostean, datorren abenduaren 23an jakinaraziko dute zein den onena.

Sari banaketaren egun berean Olentzero etorriko da herrira. 18:30ean etorriko da Olentzero. Intxortatik plazara joan, eta bertan jasoko ditu herriko umeen gutunak.

Eskolako umeek ere Gabonak direla-eta egingo dituzte hainbat



Olentzero abenduaren 23an etorriko da umeen eskutitzak jasotzera.

ekintza. Abenduaren 20an, esaterako, Bilboko Gabonetako Umeen Parkera joango dira. Abenduaren 21ean, berriz, Santo Tomas ospatzeko, eskolan txoria eta opiltxoak banatuko dituzte. Bestalde, materiala birziklatuz eskolan jostailuak egingo dituzte umeek abenduaren 22an arratsaldean eta 23an goizean.

### JAIALDIA ETA PARKEA

Horrez gain, umeendako jolasparkea ipiniko dute urtarrilaren 3an eta 4an arratsaldean Udaltaldekuan.

Umeendako ez ezik nagusiendako ere izango dira ekintzak. Abenduaren 30ean herritarren kantu jaialdia izango da Espaloia aretoan.

## UMEAK



Astlehenean zabaldu zuten, eta jadanik 12 ume eman dute izena.

## Ludoteka zabalik maiatzera bitartean

I.A.

Joan den astlehenean ipini zuen abian Udaltaldea ludoteka zerbitzua. Maiatzaren amaierara arte zabalik egongo da. Ludoteka kultura etxeko lehenengo solairuan dago.

Arratsaldero 16:00etatik 19:00etara egongo da zabalik eta gurasoek umea eskolatik jaso ezin badute, aurrez abisatuta, hartaz ere arduratuko dira.

Astlehenean zabaldu zutenetik 12 ume eman dute izena jadanik. Jolasteko, eskulanak egi-

teko eta elkarrekin egoteko aukera izango dute bertan 2 eta 12 urte bitarteko umeek Nagore Oianguren zaintzapean.

Sei hilabeteko kuota 40 euro da, eta materiala erosteko erabiliko dute diru hori. Izena eman nahi duenak udaletxera edo ludotekara bertara jo dezake.

### GABONETAN ERE IREKITA

Arduradunek jakinarazi digutenez Gabonetan ere irekita izango da ludoteka, abenduaren 25ean eta urtarrilaren 1ean izan ezik.

## PILOTA

## Gabon zahar egunean jokatuko dira beterano eta umeen finalak

I.A.

Beteranoen pilota txapelketa azkenetan da. Gaur jokatu dituzte finalerdiak eta finalak Gabon zahar egunean izango dira. Egundik aurrera umeen txapelketa ere jokatu da.

Gaur jokatu dituzte beteranoen lau t'erdiko pilota txapelketako finalerdiak 20:30ean Udaltaldekuan.

Lehenengo partidua Koldo Goenagak eta Roberto Basaurik Asier Morales eta Fernando Zenitagoiaren aurka jokatu dute. Bigarrena, berriz, Alex Arantzabalek eta Alberto Telleriak Jabier Bolinaga eta Iñaki Izagirreraren kontra.

Antolatzaileen esanetan Arantzabal eta Telleria, iazko irabazleak, eta Koldo Goenaga eta Roberto Basauri dira finalera iristeko bikote favoritoak.

### UMEEN TXAPELKETA

Beteranoen txapelketako finalak abenduaren 31n eguerdian jokatu dira, baita umeen txapelketakoak ere.

Umeek eskuz banaka jokatu dute. Lehenengo, kanporaketak egingo dituzte, herriko ume gehienek hartzen baitute parte txapelketan.

Gabon zahar egunean finalak jokatu, parte hartu duten ume guztiek saria jasoko dute.

## LABUR

### Danbaka lehiaketako azken kanporaketa jokatu da gaur gauean Espaloian

Gaur, barikua, Danbaka musika lehiaketako azken kanporaketa izango da jokoan Espaloian 22:30ean hasita. Arrasateko Turbomor eta Ozen, Bergarako Stukas eta Oñatiko Sharon Stoner taldeek eskainiko dute kontzertua. Ondoren, epaimahaia finalistak aukeratu beharko ditu partaide guztien artean.

### Felix Gomez lehenengo tokian dago bolo txapelketako sailkapen orokorrean

Gabonetako bolo txapelketako bigarren tiraldian 28 lagunek hartu zuten parte. Juan Luis Rodrighez izan zen lehenengo lau txirlo botata. Kopuru berarekin, bigarren, Felix Gomez; eta hirugarren hiru txirlorekin Jose Luis Gorosabel. Sailkapen orokorrean Felix Gomez da lehenengo eta Jose Luis Gorosabel bigarren. Hurrengo tiraldia bihar, zapatua, 23:30ean izango da.



ELKARRIZKETA

ANA MARI ARRIETA/PRESERVAR EL ORIGEN ELKARTEKO KIDEA

# "Rio Nioko umeak elikatzeko jantokia egin nahi dugu, eta dirua jasotzen ari gara"

Argentina izan zen Ana Mari Arrieta udan. Bertako bizimodua eta beharrrak ezagutu, han jantoki bat eraikitzen. Hori aurrera ateratzeko dirua behar da, ordea. Orain kanpaina egiten dihardute dirua jasotzeko.

**Argentinan egon zinen udan, baina zurea ez da bidaia arrunta izan. Zertara joan zara?**

Argentinako iparraldean Rio Nio herrixkan izan naiz. Lagun batzuek ikusi zuten azken urte honetan hango umeen egoerak okerrera egin duela. Desnutrizioa handia izanik pentsatu zuten jangela bat egitea bertan, eta, laguntzeko prest geundenez, horretara joan gara, jantokia egitera. Batez ere jantokia eraikitzeko lurra egokitzen jardun nuen nik.

**Zer ikusi duzu bertan?**

Umeekin lan egin dugunean ikusi dugu jaten dutela, baina behin eta berriz gaixotzen direla. Ur edangarririk ez dute, beraz,


zaindu eta parasitoak kendu egin behar zaizkie eta aldi berean elikatu. Bestalde, umeekin gertuko harremana lortzea zen gure helburua, eta futbola gustuko zutez euren jokatu genuen.

**Preservar el Origen elkarteko kide zara. Zein da taldearen helburua?**

Natura eta pertsonak nor bere nortasunean eta kulturaren errespetatzea. Baina han egin ahal izan dugun bakarra umei jatekoa eta osasun arloko laguntza ematea izan da. Hango jendea oso gaizki dago, ez dute kulturarik ezta oinarrikerik ere, baina guk ezer gutxi egin dezakegu. Beraz, gure asmoa da oinarri hori sortzea umeen elikaduratik hasita.

**Jangela egin nahi duzue, eta horretarako dirua behar da.**

Jangelarako bagenuen dirua, baina hara joanda hainbat familia behar larrian ikusi genituen, eta haiendako etxeak egiteko erabili genuen dirua. Orain, jangela amaitu nahi dugu, beharrezkoa delako. Horretarako dirua jasotzeko BBKn kontua ireki dugu (2095 0274 30 9105532797). Lagun-



Ana Mari Arrieta Rio Nioko (Argentina) umeen artean.

du nahi duela sentitzen duenak eman dezake dirua, berdin du kopuruak, guk dena behar dugu. Jendeak badu kontzientzia laguntzeko, baina batzuetan mesfidantza dago diru hori iritsiko ote den behar den lekura.

**Beste proiekturik baduzue?**

Zuhurtziaz jokatu behar dugu, azpijoko eta ustelkeria handia baitago han. Baliteke epe luzera eskolaren bat egitea, oraingoa egoera kaxkarrean baitago, baina lehentasuna jantokiak dauka.

HERRITARREN HITZA / Sebas Arantzabal · Langilea

## Hileko azken barikuro

Duela urte batzuk hasi ginen elkartzen hileko azken barikutan, euskal presoek eskubideen alde egiteko.

Hasieran Elgetan nobedadea zena gaur egun ohitura bilhurtu da.

Batzutan gehiago bestetan gutxiago; bero ala hotz, euri edo elur, azken barikuro herriari gogoratzen diogu euskal presoak gogoan ditugula.

Izan ziren garaiak, beste batzuk ere etortzen zirela, elkartuaren alde igeri egiten dutenak. Baina itsasoa zakar

jartzerako berriro betikoak ginen. Presoen eskubideen alde egiteak egoera politikoen gainetik egon beharko luke.

Euskal presoek sakabanatze politika diseinatu zutenek, kolektiboren zatiketa bilatzen zuten. Urte mordo geroago garbi dago ez dutela helburu hori lortu.



**"Presoen eskubideen alde egiteak egoera politikoen gainetik egon behar luke"**

Baina denbora luze horretan, senideek jasan behar izan dituzte mendeku politikoen horren ondorioak: zenbat ordu bideetan? Zenbatek utzi du bizia semea ikustera zihoala, Karmelek bezala?

Badirudi orain konponbiderako haize berriak sumatzen direla. Gatazka konpon-

tzeko bidean presoek eta haien

senideen egoera humanizatzeko ezinbesteko pausoa izango litzateke presoak Euskal Herrira ekartzea; horrek lagunduko lukeelako gero beste pauso batzuk emateko.

Bide hau bultzatzeko bilduko gara berriro ere datorren abenduaren 31n arratsaldeko zortzietan.

Bertara hurbiltzeko elgetar denek gonbitea egin nahi nieke, euskal preso guztiak eta bereziki Paris aldean dagoen Ana Miren gogoan izateko; urruntasuna gaindituko duen gure elkartasuna bidaliz.

LABUR

### Erretiratuen batzarra bihar Ozkarbi elkartean

Elgetako Erretiratuen elkarteak bazkideei dei egin nahi die urteko batzarrean parte har dezaten. Aurtengo bilera bihar, zapatua, izango da 17:00etan Ozkarbi elkartean. Batzarraren ostean luntxa izango da bertan. Erretiratuen elkarteak hainbat ekin-tza antolatzen ditu urtean zehar eta horiek aurrera ateratzeko dirulaguntza jasotzen dute Udaletik. Aurten bi dirulaguntza eman dizkio Udalak: lehenengoa 1.006,30 eurokoa eta bigarrena 928,90 eurokoa; guztira, 1.935,20 euro.

### Abesbatza sortu nahi dutenendako bilera gaur

Elgetan abesbatza sortu nahi dute, eta horretarako bilera irekirako deia egin dute. Bola-toki tabernan izango da gaur, barikua, 20:30ean. Kanturako zaletasuna izan eta koruan abesteko gogo duen 16 urte-tik gorako edozein elgetarrek izango du lekua bertan. Bilerara joan egin dutenek informazio gehiago nahi izanez gero Aitor Arantzetarengana edo Mikel Larrearengana jo dezakete.

### Bi antzezlan asteburuan Espaloia aretoan

Asteburu honetarako bi antzezlan ekarriko dituzte Elgetara. Bihar, zapatua, Detritus Teatrusen *Las Punkys de verdad tambien llo-ran* lana ikusteko aukera egongo da 23:00etan. Domekan, berriz, umeen txanda izango da. Udalak antolatutako emanaldian 3 eta 6 urte bitarteko umeendako *Hitzak patriketan* antzezlan eskainiko dute Inaki Berastek eta Aitzpea Goenagak 18:00etan. Bi antzezlanak Espaloia aretoan egingo dituzte.

**JAR EZAZU HEMEN ZURE PUBLIZITATEA**

Goibekokale

**Aperribay, s.l.**

Marmoldegi eta granitoak

Pagatza indus. z/g. Tel. eta faxa: 943 78 90 21

20690 ELGETA



**RECYDE, S.A.**

Pagatza pol. ind. 20690 ELGETA, Gipuzkoa  
Tel.: zentrala: 943 78 80 00. Faxa: 943 78 90 10  
Posta elektronikoa: recyde@recyde.es

AENOR



Enpresa Erregistratua

ER-0182/2/95

ISO 9002  
QS 9000  
ISO/TS 16949



# Urtia juan, urtia etorri Olentzero aurten be, baietz etorri?



HAUR HEZKUNTZAKO GABONETAKO JAIALDIA ABENDUAREN 22AN,  
ARRATSALDEKO 15:15EAN ESKOLAKO ARETOAN.



ABENDUAREN 24AN, 11:00ETAN ESKOLAN ELKARTUKO GARA  
HERRITIK ZEHar GABON KANTAK ABESTEKO

**ETORRI GUREKIN!**



SAN MARTIN - IPINTZA - M. ALTUNA  
BERGARAKO IKASTETXE PUBLIKOAK



San Martin Agirre  
herri eskola

## UGARTE

ARozTEGIA - ALTZARIAK



- Arotz lanak orokorrean
- Altzariak
- Leihoak
- Ateak
- Horma armairuak



**ALTZARI DENDA**  
Ikerleku zaharbidea • BERGARA  
Tel.: 943 03 46 30

**ERAKUSKETA ETA TAILERRA**  
San Juan, 1A • BERGARA  
Tel.: 943 76 54 91/ Faxa: 943 76 08 04